

«Irainduak, burumakur eta goibel»

Nazioarteko Federazioko kide izan arren Mundialetik kanpo utzi dute Euskadi

Iñaki Petxarroman / Donostia


JULEN IDARRETA Euskal Herriko sambo selekzionatzaileak EGUNKARIARI adierazi dionez, «hasieratik zaindu eta hatzarekin seinalatu gintuzten polizien aurrean, gaizkile bagina bezala. Horrek min handia egiten du. Ondoren, guregana etorri ziren parte hartzea debekatuta genduela esanez». Une horretan, azken urtean egindako entrenamendu gogorrek, dieta estuek eta sakrifizio anitzek ezertarako balioko ez zutela ikusi zuten euskal sambolariek, eta «etsipena» nagusitu zen beren artean. «Oso gogorra izan zen», diosku Julen Idarreta entrenatzaile olatzuarrak, «baina guretzat, hezitzaile edo arduradun nagusi gisa, jasangaitzena kirolarietaz azalpenak emateko garaian etorri zen. Hori gogorre-na da, zeren zure aurrean ilusioz betetako kirolari gazteak ikusten baitituzu, begietan distira hori dutela, urduri daudela, egin behar izan dituzten erregimenekin eta lan horiekin guztiekin. Hori guztia ikusten duzunean, horrelako zakurkeria batengatik atzean gelditzen direla... Ba, orduan sufritzen duzu benetan».

Orain arte, hamar urte zera-matzen Euskal Herriko samboko selekzioak munduko eta Europako txapelketetan parte hartzen. Izan ere, Euskal Herria Nazioarteko Sambo Federazioaren sortzaileetakoa izan zen, duela hamar urte hemen bertan izan zen nazioarteko kongresuan hain zuzen ere. Handik hona, ordea, Euskal Herriko selekzioak beti izan du atzetik Espainiakoaren itzala, eta oraingo honetan, Jose Antonio Garcia Muñoz Espainiako Sambo Federazioko presidentea egindako presioak bere helburua lortu du, Julen Idarretak dioskunez: «Gizon honen zeregin nagusia kirola lantzea baino gehiago hori zen, guri kalte egitea edo partaidetza eragozte».

Etienne Labrousse Frantziako Federazioko buruak Euskal Herriaren partehartzea galarazteko erabilitako arrazoiak hauek izan ziren: batetik Espainiako Federaziok ez zuela onartzen Euskal Herriko selekzioak, eta bestetik, Frantziako Gazteria eta Kirol Ministerioak ez zuela baimenik eman Euskal Herriko Hegoaldea mundialetan izateko. Arrazoi hauek ez dira pisuzkoak Julen Idarretaren irudiko, «guk parte hartu baitugu jadanik bi mundialetan Frantzian ikurrina eta guzti, eta Espainiak ere parte hartu du gure ondoan eta ez da ezer gertatu inoiz. Eta, gainera, esango nuke Jose Antonio Garcia Muñoz Espainiako Federazioko presidentea une egokiaren bila ibili dela, eta aginte hutsune bat egon den momentua aprobetxatu du Frantziakoarekin batera, gu kanpoan uzteko».

«Geuk urratsak emateko ordua iritsi da» • Orain arte Euskal Herriko selekzioak beti izan du

Euskal Herriko sambo selekzioa Donibane-Loizunen hasitako mundu txapelketatik kanporatu zuen herenegun Etienne Labrousse Frantziako Sambo Federazioko presidentea. Bi poliziaren laguntzaz joan zen euskal kirolariengana hauek pisu kontrolak egiten ari zirenean, eta parte hartzea debekatuta zutela adierazi zien.



Julen Idarreta 1985eko Londresko Joko Mundialak irabazi ondoren, bere aldameneari arbitro frantziarra eta Espainiako sambokari dituela.

ARTXIBOKOA

Julen Idarreta:

«Beraiek antolatzaileak zirela eta herrialde bakoitza bere egoeraz kezkatua zegoela aprobetxatuz utzi gaituzte kanpoan»

«Badakigu Espainiak berriro emango digula beraiekin joateko aukera, baina guk geure federazio propioa dugu eta ez dugu zertan beraiekin joan»

Nazioarteko Federazioko gaitortzeko kideen laguntza eta elkartasuna, Espainiak egindako presioen aurrean. Oraingo honetan, ordea, nazioarteko kongresurik oraindik ez dela egin aprobetxatu dute, eta orduan gainontzeko herrialdeek ezin izan dute beren ikuspuntua adierazi arazoaren aurrean. Euskal selekzionatzaileak azaldu duenez, «edozein txapelketaren aurretik, lehenbizi tramite burokratikoak egin ohi dira: pisaketak, izena ematea, eta abar. Bilerak eta po-

litika, berriz, azken unerako uzten dira. Hori dela eta, beraiek antolatzaileak zirela eta herrialde bakoitza bere egoeraz kezkatuta zegoela aprobetxatuz, kanpoan utzi gaituzte. Joko erabat zikina erabili dute gure aurka. Hala ere, itxaron beharko dugu kongresura arte, ea bertan zer gertatzen den. Nik badakit Ingalaterra bezalako herrialde batek lana egin duela gu onartuak izan gaituzten».

Hala ere, euskal sambolariak «irainduta, burumakur samar eta triste» dauden arren, ez da

atzera begiratzen jartzeko unea Julen Idarretaren irudiko: «Hemen aurrera instituzioen benetako laguntza jasotzen badugu, hor zezenari adarretatik helteko paradarik badago oraindik. Gu geu gauzak antolatzen hasi, nazioarteko torneoa esaterako, eta antolatzaile modura bazau, azkenean, gidari gisa zaude eta erabakiak hartzen dituzu, beste edozein herrik bezala. Badakigu Espainiak berriro emango digula beraiekin joateko aukera, baina guk geure federazio propioa dugu, Nazioarteko Sambo Federazioan eskubide osoko kide gara eta ez dugu beraiekin joan beharrik».

Julen Idarreta mindurik dago, ahotsaren moteltasunean antzematen zaio. Urte osoko lana bertan behera gelditu zaio eta ez da gutxiagorako. Ilusioz beterik zihozaren euskal kirolariak mundialera, baina oraingo honetan «politika eta kirola» nahastu omen dituzte, eta hori barkaezina da Frantzia eta Espainiarentzat.

HBren salaketa

Erredakzioa / Donostia. Herri Batasuna ere Samboko euskal selekzioa Munduko Txapelketatik kanporatzearen kontra azaldu da. Atzo helarazi zigen prentsa oharrean, «Samboko euskal selekzioa kanporatzeko arrazoiak, Espainiako eta Frantziako estatuen federa-

zioaren ekimena dela medio, Euskal Herriak bizi duen ukapenaren beste ondorio bat da». Donibane-Loizunen gertaturikoa «ez da ekintza isolatu bat, ezta anekdota bat ere». Kanporatzeko erabaki hau are gogorragoa da HBren ustez, «kontuan izaten badugu Euskal

Herriko selekzioa bere herriatik kanporatu dutela; jakinik, gainera, Euskal Federazioa FIASeko (Samboko Nazioarteko Amateur Federazioa) partaidea eta fundatzailea dela». Samboko euskal partaidea guztiak aurrera segitzeko animatu ditu prentsa ohar horretan

Herri Batasunak, «inposaketa horri aurre egiteko, baita kirola egiten jarraitzeko ere, euskaldun izaeratik. Kirolari hauek ematen diguten adibidea zabaldu egin behar dugu. Euskal Herria, kirola kontuan izaten eta bultzatzen ere eraikiko dugulako». X

erreakzioak

Kiko Caballero ♦ Euskal Herriko Pilota Federakundeko lehendakaria

«Komunikabideen bidez dudak informazioaren arabera egingo dut nire epaia, eta egia esan, pertsonalki oso gai larria iruditzen zait. Larria da, batetik juri-dikoki samboko selekzioa nazioarteko federazioko eskubide osoko kidea delako, beraz, Frantziako Federazioko lehendakariak egindakoa zuzenbidearen aurkako atentatua iruditzen zait. Bestetik, Euskal Herriak dituen eskubideen aurkako iraina eta atentatua da, nazioartean ordezkaturia izateko duen eskubidea zapaltzen zaiolako bertako jendeari. Herri honetako kirol eta kulturaren aurkako agresio bat izan da».

Diego Garcia ♦ Europako Maratoi txapeladunordea

«Niretzat ez dago eskubiderik honelako gauzka gertatzeko. Herri honetan kirolariok dugun mailarekin, euskal herriarron gehiengoa nahi dunguna ezin dugula errebindikatu. Pena bada, atzeriko jendeak ezin gaituela herri bezala ezagutu. Kontraesan bat da, herri honetako kirolari gehienok nahi eta onartu eta dagokigun gauza ezin dugula adierazi. Eta gainera, zenbait kirol, bertako bertakoak direnak, pilota eta herri kirolekin bezala, gehiago saiatu beharko litzateke hemengo ikurrarekin kanporatzen». X

Iñaki Perurena ♦ Harrijasotzailea

«Hemen beti gertatzen dena delako ezta? Askotan politikarekin nahasten dira gauzak. Begiratu Nafarroan aizkolari txapelketak aurten egin da eta urte asko generamatzien ezin zegoela, egiterik Euskadiko Txapelketak Nagusia jartzen zelako, eta azkenean Euskal Herriko Txapelketak jarri diote izena. Orduan, zer esango dizut nik, nahiko delikatua dela. Gauzak, politikatik era batera ikusten dira, eta kirol mailatik beste era batera. Nik esango nuke urteetan egin badin badira, ba beno, aurrera egiteko modu ederra zegoela. Lege aldetik nik gauzak ez dakizkizula, baina hamar urte zehatz parte hartu badute, zergatik ez hamaika edo hamabi, ezta? Pertsona batzuk ilusioz ari zirela gauzak egiten, eta ilusioak mozteko era bat izan da hori».

Jose Maria Arrate ♦ Athleticeko lehendakaria

«Niretzat ez da hau notizia poligarria izan ezta gutxiagorik ere. Gauza triste da, Euskal Herriko edozein selekzioek, samboko beste edozeinek parte hartzea nazioarteko kirol ekitaldietan. Horregatik, nik ez dut datu zehatzik jakiteko zergatik gertatu den hau azaltzeko, baina bihotz bihotzetik sentitzen dut Euskal Herriko selekzioak ezin duela parte hartzea. Pena garria da niretzat. Beraz nire apreziazioa hori da, pena bada honelako berriak jaso behar izateak». X